

پر وا تام
PERSATUAN WAKIL TAKAFUL AM MUSLIM

BULETIN PERWATAM

EDISI PERTAMA

01 SIDANG REDAKSI BULETIN PERWATAM

PENGERUSI

- HISHAMUDDIN
BIN ABD AZIZ

KETUA PENERBITAN

- FADZIL FAIRUZ
BIN ABU TAROFF

PENOLONG PENERBITAN

- NORHAYATI BT
ABU TALIB

PENTADBIRAN & KEEWANGAN

- LAYYINAH BT ABDUL
MUTHALIB

FOTO, REKABENTUK & EDITORIAL

- KHIDIR BIN
ZULKIFLI
- ZULKIFLI BIN
AHMAD

IKLAN, PEMASARAN & KOMUNIKASI

- KAPTEN (B)
YUSRI BIN MOHD
NOOR

TEKNOLOGI MAKLUMAT

- MAZLAN BIN
ZUBAIR

MEDIA MASSA & EDARAN

- MUHAMMAD
SYAMEEM BIN AHMAD

بسم الله الرحمن الرحيم
السلام عليكم ورحمة الله وبركاته

02 KATA ALUAN

Serumpun kesyukuran saya panjatkan ke hadrat Ilahi kerana dengan izin-Nya, buletin PERWATAM dapat diterbitkan buat kali pertama. Tahniah diucapkan kepada Sidang Redaksi atas usaha anda bersama. Usaha murni ini sebagai tanda kerjasama dan ukhwah sesama ahli. Tahniah!

Saya juga berharap dengan terbitnya buletin PERWATAM ini, agar usaha ini akan diteruskan selepas ini. Ruang yang ada di sini, insyaAllah akan memberikan kefahaman kepada semua ahli PERWATAM berkaitan matlamat penubuhan, sikap perjuangan Usahawan Takaful Muslim, pelbagai aktiviti dan isu-isu berkaitan PERWATAM dan ahli.

Akhir kata, marilah kita bersama-sama berganding bahu memajukan PERWATAM, memajukan diri sesama ahli dalam bidang keusahawanan, meningkatkan sahsiah diri, pengetahuan berkaitan industri serta pengetahuan berkaitan IT.

Sekian,

hisham

HISHAMMUDDIN ABD AZIZ
PENGERUSI PERWATAM

03 MESYUARAT AGUNG TAHUNAN (AGM) PERWATAM TAHUN 2021

Disediakan oleh: Layyinah Bt Abdul Muthalib (Setiausaha)

16 September 2020 - Satu Mesyuarat Agung Tahunan (AGM) Persatuan Wakil Takaful Am Muslim telah berlangsung dengan jayanya pada 16/09/2020 (Rabu) bertempat di Hotel Hilton Kuala Lumpur, Ballroom A, Aras 6. Mesyuarat ini telah dihadiri oleh 88 orang ahli.

Terdahulu, majlis telah dimulakan dengan bacaan doa dan seterusnya ucapan alu-aluan oleh pengurus majlis sebelum aktiviti lain dijalankan. Satu tayangan multimedia telah ditayangkan kepada semua ahli dan Mesyuarat Agung Tahunan (AGM) ini telah dirasmikan oleh Tuan Mohd Jaidi Junoh selaku wakil dari penaja utama iaitu Takaful Ikhlas General Berhad.

Sesi cabutan bertuah telah diadakan dan temuramah para pemenang diadakan. Seterusnya sesi bergambar oleh para hadirin bersama penaja utama dan AJK Penaja. Di dalam AGM ini, telah berlangsung juga slot CPD Hours oleh pihak penaja utama seterusnya penyerahan cenderahati kepada penaja utama dilakukan.

Mesyuarat berhenti sebentar untuk ahli menikmati jamuan di luar Ball Room sementara menunggu sesi pilihanraya dijalankan.

Selepas sesi rehat, semua ahli diminta untuk masuk ke ruangan Ball Room semula untuk proses pilihanraya dilakukan. Majlis diambil alih oleh Pengurus Pilihanraya, En Mohd Yusri. Beliau membentangkan proses dan undang-undang pilihanraya sebelum proses pemilihan dilakukan. Pilihanraya diakhiri dengan persetujuan semua ahli yang hadir untuk melantik secara rasmi semua AJK Penaja menjadi AJK untuk penggal pertama 2020/2022.

Hadirin berhenti sebentar untuk solat Zuhur dan makan tengahari. Mesyuarat disambung pada jam 2ptg untuk sesi suai kenal antara semua ahli dan membincangkan hal-hal lain.

Mesyuarat ditangguhkan pada jam 5ptg dan ditutup dengan bacaan doa oleh Ustaz Sallehudin. Tahniah diucapkan kepada semua Ahli Jawatankuasa untuk penggal 2020/2022 yang telah dilantik dan Selamat menjalankan Tugas!

Berikut merupakan Senarai Ahli Jawatankuasa PERWATAM bagi penggal 2020/2022:

Pengerusi : Hishammuddin bin Abd Aziz

Timbalan Pengerusi : Fadzil Fairuz bin Abu Taroff

Setiausaha : Laiyyinah binti Abdul Muthalib

Timbalan Setiausaha : Norhayati binti Abu Talib

Bendahari : Muhammad Syameem bin Ahmad

Ahli Jawatankuasa

- 1. Mazlan bin Zubair**
- 2. Zulkifli bin Ahmad**
- 3. Kapten (B) Yusri bin Mohd Noor**
- 4. Md Nurul Khalid bin Koyube**
- 5. Khidir bin Zulkifli**

04 KUNJUNGAN HORMAT

Disediakan oleh: Kapten (B) Mohd Yusri Bin Mohd Noor (Ketua Biro Korporat)

Untuk maklumat ahli-ahli, pihak AJK Perwatan telah melaksanakan beberapa siri kunjungan hormat ke atas Ketua Pegawai Eksekutif (KPE) Etiqa General Takaful Berhad, Takaful Ikhlas General Berhad dan Zurich General Takaful Berhad. Untuk kunjungan ke atas KPE Syarikat Takaful Malaysia terpaksa ditangguhkan kerana Perintah Kawalan Pergerakan (PKP).

Tujuan kunjungan hormat adalah :

1. Mengeratkan tali silaturahim antara pihak Senior Management Committee (SMC) dengan Ahli Jawatankuasa.
2. Bertukar-tukar maklumat dan pandangan terhadap beberapa isu.
3. Memberi penerangan dan halatuju Perwatan kepada pihak SMC syarikat takaful.

Kesemua kunjungan hormat ini dikoordinasikan oleh Ketua Biro Korporat yang diketuai oleh KAPTEN MOHD YUSRI BIN MOHD NOOR (Bersara)

Bersama-sama ini dikongsikan gambar-gambar semasa kunjungan ke atas beberapa Syarikat Takaful :

Kunjungan Hormat AJK Perwatam ke Pejabat Ketua Pegawai Eksekutif, Etiqa General Takaful Berhad, ENCIK SHAHRUL AZUAR pada 21 September 2020 jam 12.00 Tengahari di Pejabat EGTB Dataran Maybank, Bangsar.





**KUNJUNGAN HORMAT
TAKAFUL IKHLAS**
2 OKTOBER 2020

سُنْتَوْتَامْ
PERSATUAN WAKIL TAKAFUL AH MUSLIM

Kunjungan Hormat ke atas Ketua Pegawai Eksekutif Takaful Ikhlas General Berhad ENCIK EDDY AZLY BIN ABIDIN pada 2 Oktober 2020, jam 3.00 petang di Hotel Hilton, KL Sentral.



Kunjungan Hormat Ahli Jawatankuasa Perwatam ke atas Ketua Pegawai Eksekutif Zurich General Takaful Malaysia Berhad, TUAN HJ NAZRULHISHAM BIN HAMID pada 30 Mac 2021 di Pejabat Zurich, Kuala Lumpur.

05

PENYERAHAN SUMBANGAN KHAIRAT KEMATIAN KEPADA WARIS

Disediakan oleh: Zulkifli Bin Ahmad (Ketua Biro Kebajikan)

Untuk maklumat ahli-ahli, pihak AJK PERWATAM telah melaksanakan beberapa kunjungan ke atas waris keluarga. Tujuan kunjungan ini adalah:

1. Penyerahan sumbangan khairat kematian kepada waris
2. Mengeratkan silaturahim

Bersama ini dikongsikan gambar-gambar ziarah semasa penyerahan sumbangan khairat kematian



Penyerahan sumbangan oleh Pengurus PERWATAM En Hishammuddin Abd Aziz bersama En Zulkifli Ahmad – Biro Kebajikan PERWATAM kepada waris pada 20 Oktober 2020 bertempat di hadapan Bank Islam cawangan Senawang, Seremban



Penyerahan sumbangan oleh Bendahari PERWATAM En Muhammad Syameem Ahmad kepada waris pada 3 Julai 2021. Sumbangan ini melalui cek kerana atas perintah kawalan pergerakan tidak dapat mengunjungi waris.



06 AIMAN KENA SAMAN

Disediakan oleh: Norhayati binti Abu Talib (Timbalan Setiausaha)

Kes ini telah menjadi viral dan menjadi isu panas dalam negara pada 22/03/2021 selepas pihak PERWATAM mengeluarkan kenyataan media bertarikh 22/03/2021 setelah mendapat aduan secara verbal daripada Encik Ali di mana beliau merupakan pelanggan kepada ahli PERWATAM iaitu Puan Laiyyinah. Encik Ali memaklumkan bahawa motosikalnya telah disaman atas kesalahan TIDAK PAMER LKM.

Kes saman yang melibatkan Lesen Kenderaan Motor (LKM) ini bukanlah kes yang pertama berlaku semasa tempoh pengecualian LKM persendirian dari 01/02/2021 hingga 31/03/2021 di mana pengecualian ini telah diumumkan melalui siaran media oleh Menteri Pengangkutan Jalan pada 29/01/2021. Makluman pengecualian pembaharuan LKM secara info grafik turut disebarluaskan melalui media sosial lain seperti laman Facebook JPJ. Keadaan ini menimbulkan kekeliruan dalam masyarakat terutama di kalangan ahli PERWATAM kerana wakil takaful terlibat secara langsung dalam isu LKM semasa tempoh Perintah Kawalan Pergerakan (PKP).

Berikut adalah ringkasan kronologi kes berdasarkan maklumat secara verbal.

19/03/2021

: Kawan anak Encik Ali bernama Aiman telah meminjam motosikal Encik Ali kerana pada waktu itu anak Encik Ali dan Aiman menyewa serumah semasa tempoh latihan praktikal kolej.

: Ketika Aiman dalam perjalanan di KM 11.9 Labuhan Dagang - Nilai, Aiman telah melalui sekatan jalan raya dan anggota bertugas meminta LKM motosikal untuk pemeriksaan. Aiman terus menghubungi anak Encik Ali bertanyakan tentang LKM dan anak Encik Ali memaklumkan bahawa LKM terbaru belum diterima tetapi ada polisi insurans yang sedang berkuatkuasa dari 02/03/2021 hingga 01/03/2022.

: Anak Encik Ali wasap polisi insurans PDF kepada Aiman dan Aiman menunjukkannya kepada anggota bertugas. Namun saman tetap dikeluarkan atas kesalahan TIDAK PAMER LKM.

: Encik Ali terus menghubungi Puan Laiyyinah memaklumkan kejadian tersebut dan menghantar gambar saman tersebut melalui Whatsapp.

20/03/2021

- : Puan Laiyyinah memaklumkan isu ini dalam group Whatsapp AJK PERWATAM. Maka hasil perbincangan, pihak AJK PERWATAM sebulat suara bersetuju untuk menyuarakan isu ini melalui kenyataan media PERWATAM memohon pihak berkuasa merungkai kekeliruan berhubung isu saman LKM semasa tempoh pengecualian LKM yang diberikan.
- : Puan Norhayati telah menghubungi Aiman untuk mengesahkan perkara saman tersebut secara atas talian telefon.
- : Antara bukti berkaitan kes tersebut yang dikumpulkan adalah
 - 1) Polisi insurans
 - 2) Resit arahan LKM dalam sistem MyEG
 - 3) Siaran media Menteri Pengangkutan Malaysia bertarikh 29/01/2021
 - 4) Info grafik pengecualian pembaharuan LKM

21/03/2021

: Kenyataan media PERWATAM telah dihantar kepada beberapa pihak media di Malaysia secara email. Kenyataan media PERWATAM turut dilampirkan di bawah sebagai rujukan bersama ahli PERWATAM



KENYATAAN MEDIA

POLIS SAMAN KERANA TIDAK PAMER LKM KETIKA TEMPOH PENGECEUALIAN PEMBAHARUAN LKM YANG DIBERIKAN OLEH JPJ

Saya Hishamuddin bin Abd Aziz mewakili ahli Persatuan Wakil Takaful Am Muslim (PERWATAM) ingin membuat satu kenyataan berhubung salah seorang pelanggan kami telah disaman oleh pihak polis atas kegagalan mempamer Lesen Kenderaan Motor (LKM) semasa tempoh pengecualian pembaharuan LKM yang telah diberikan oleh pihak Jabatan Pengangkutan Jalan (JPJ) berkuatkuasa dari 01 Feb 2021 sehingga 31 Mac 2021.

Menurut pelanggan kami iaitu Encik Muhammad Aiman bin Mohd Sazali, beliau telah disaman oleh pihak polis dalam sekitaran jalan raya (SJR) di KM 11.9 Labuhan Dagang, Nilai pada tarikh 19 Mac 2021 jam 8:45 malam. Beliau telah menunjukkan bukti *e-cover note* insurans dan memaklumkan bahawa ada pengecualian pembaharuan LKM sehingga 31 Mac 2021 kepada pegawai polis berkenaan, namun pegawai polis tersebut memaklumkan bahawa LKM perlu juga perbaharui dan dipamerkan dalam situasi sekarang. Pegawai polis berkenaan telah mengeluarkan saman bernombor AV783699 atas kesalahan tidak pamer LKM.

Saya terpanggil untuk mengimbau kembali kenyataan media yang telah dibuat oleh YB Datuk Seri IR. Dr. Wee Ka Siong, Menteri Pengangkutan Malaysia pada 29 Januari 2021. Menteri tersebut telah membuat satu kenyataan media berkaitan pengecualian pembaharuan LKM persendirian dan pemandu hanya perlu menunjukkan bukti *e-cover note* insurans sahaja mulai 01 Feb 2021 hingga 31 Mac 2021. Poster kenyataan berkenaan turut disebarluaskan melalui laman sosial Facebook JPJ dan Telegram JPJ.

Dalam masa yang sama, pihak JPJ dan rakan niaga JPJ iaitu pejabat pos telah menutup operasi kaunter bagi transaksi LKM persendirian. Saya juga telah dimaklumkan bahawa rakan niaga JPJ yang lain iaitu pihak MYEG telah mengalami kehabisan bekalan disk LKM buat masa ini dan menjangkakan kelewatan penghantaran disk LKM kepada pihak pelanggan yang telah memperbaharui LKM secara atas talian. Situasi ini amat membimbangkan dan pihak JPJ perlu bertindak segera untuk memberi informasi lebih jelas dan tepat tentang status terkini bekalan disk LKM serta memberi alternatif sekiranya pihak pelanggan masih belum menerima disk LKM setelah membuat pembayaran atas talian dengan pihak MYEG.

Kejadian saman ini amat di luar jangkaan dan mengelirukan orang ramai kerana tempoh pengecualian pembaharuan LKM masih berkuatkuasa. Malah kekeliruan ini tidak sepenuhnya berlaku di kalangan pegawai agensi penguatkuasaan terutamanya yang melibatkan pihak polis yang terlibat secara langsung dalam SJR.

Saya berharap pihak JPJ segera memberi informasi yang lebih jelas kepada agensi penguatkuasaan yang terlibat supaya perkara ini tidak berlaku pada masa akan datang. Pihak JPJ juga perlu menyampaikan informasi tepat dengan menggunakan segala kaedah hebahan kepada orang ramai tentang pengecualian pembaharuan LKM ini dan memberi alternatif yang terbaik sekiranya disaman dalam tempoh pengecualian pembaharuan LKM yang telah diberikan.

Sekian, terima kasih.

**HISHAMUDDIN BIN ABD AZIZ
PENGERUSI
PERSATUAN WAKIL TAKAFUL AM MUSLIM (PERWATAM)
22 MAC 2021**

: Media akhbar tempatan mula menyebarkan isu SAMAN TAK PAMER LKM. Namun ada pihak akhbar yang mengolah tajuk dan kandungan akhbar mereka dengan perkataan PERTIKAI dan MEMPERTIKAIKAN sedangkan dalam artikel kenyataan media PERWATAM yang asal memang tidak wujud langsung perkataan tersebut.

: Antara pihak akhbar yang bersama-sama membangkitkan isu ini adalah

- 1) Berita Harian Online
- 2) Malaysia Gazette
- 3) Nanyang Siang Pau
- 4) Malaysia Kini

Kena saman polis akibat gagal pamer LKM mengelirukan
Wartawan MalaysiaGazette - 22 March 2021

AV 783699

Siti Haliza Yusop
Mac 22, 2021 @ 3:18pm
bhnews@bh.com.my

- Foto hiasan

KUALA LUMPUR: Persatuan Wakil Takaful Am Muslim (PERWATAM) mempertikaikan tindakan polis menyaman seorang lelaki kerana gagal mempermerkan Lesen Kenderaan Motor (LKM), 19 Mac lalu.

PERWATAM pertikai polis saman gagal pamer LKM

- Foto hiasan

豁免更新车执照被开罚单 PERWATAM促陆交局交代
2021年03月22日

(吉隆坡22日讯) 这边厢政府豁免民众更新车辆执照（LKM），那边厢执法警官却执意向无法出示有效执照者开出罚单，大马回教徒保险代表协会（PERWATAM）促陆路交通局做交代。

22/03/2022

: Pihak Jabatan Siasatan dan Penguatkuasaan Trafik, Polis Diraja Malaysia (PDRM) telah memberi jawapan balas menerusi siaran media PDRM bagi menjawab isu saman tersebut. Kenyataan media tersebut telah menjelaskan dengan lebih terperinci tentang saman yang dikenakan adalah di bawah Seksyen 20 (1) Akta Pengangkutan Jalan 1987 bagi kesalahan gagal pamer LKM dan bukan atas kesalahan LKM tamat tempoh di mana SAMAN GAGAL PAMER LKM tidak termaktub seperti mana arahan Kementerian Pengangkutan Malaysia.


SIARAN MEDIA
POLIS DIRAJA MALAYSIA
JABATAN SIASATAN DAN PENGUATKUASAAN TRAFIK
IBU PEJABAT POLIS DIRAJA MALAYSIA AMAN, KUALA LUMPUR
TELEFON: 03-22963319 FAKS: 03-22963357
E-MEL: tadbirtrafik_ba@rmp.gov.my

KENYATAAN MEDIA
JABATAN SIASATAN DAN PENGUATKUASAAN TRAFIK

**PENJELASAN MENGENAI SAMAN ATAS KESALAHAN GAGAL PAMER
LESEN KENDERERA MOTOR (LKM)**

JABATAN SIASATAN DAN PENGUATKUASAAN TRAFIK (JSPT) INGIN MENJELASKAN BERKAITAN KENYATAAN PERSATUAN WAKIL TAKAFUL AM MUSLIM (PERWATAM) DI MEDIA MASSA DAN ELEKTRONIK MEMPERTIKAIKAN SAMAN YANG DIKELUARKAN KE ATAS SEORANG PENUNGGANG MOTOSIKAL BAGI KESALAHAN GAGAL PAMER LESEN KENDERERA MOTOR (LKM).

JSPT MENGESAHKAN KEJADIAN TERSEBUT BERLAKU PADA 19/3/2021 JAM 8.45 MALAM DI KM 11.9 JALAN LABOHN DAGANG - NILAI SEMASA SEKATAN JALAN RAYA (SJR) DALAM OPERASI MOTOSIKAL (UBAHSUAI EKZOS) YANG DILAKUKAN OLEH BSPT IPD KLIA. PENUNGGANG MOTOSIKAL TERBabit TELAH DIKENAKAN TINDAKAN SAMAN DIBAWAH SEKSyen 20 (1) AKTA PENGANGKUTAN JALAN 1987 BAGI KESALAHAN GAGAL PAMER LKM DAN BUKAN ATAS KESALAHAN LKM TAMAT TEMPOH.

SEMAKAN MENDAPATI LKM DAN INSURANS MOTOSIKAL TERSEBUT MASIH SAH TETAPI LESEN MEMANDU PENUNGGANG MOTOSIKAL IAITU ORANG KENA SAMAN (OKS) TELAH TAMAT TEMPOH PADA 26/12/2020 DAN DALAM KES INI HANYA NASIHAT DIBERIKAN.

ADALAH TIADA MENJADI KESALAHAN PEGAWAI POLIS TERSEBUT MENGELOUARKAN SAMAN BAGI KESALAHAN TIDAK PAMER LKM KERANA IANYA TIDAK TERMAKTUB SEPERTI MANA ARAHAN KEMENTERIAN PENGANGKUTAN MALAYSIA (MOT) YANG MEMBERIKAN PENGECUALIAN UNTUK PEMBAHARUAN LKM DAN LESEN MEMANDU KOMPETEN (CDL) YANG TELAH TAMAT TEMPOH PADA MASA PERINTAH KAWALAN PERGERAKAN (PKP 2.0) BERMULA 1 FEBRUARI SEHINGGA 31 MAC 2021.

JSPT MENEGASKAN SEMASA KEJADIAN TIADA SEBABUNG BUKTI DOKUMEN LKM DAN INSURANS (E-COVER NOTE) DITUNJUKKAN OLEH OKS SEPERTI MANA YANG DINYATAKAN OLEH PIHAK PERWATAM.

JSPT BERHARAP PENJELASAN INI DAPAT MENJERNIHKKAN KEKELIRUAN YANG TIMBUL DAN MENASIHATI ORANG RAMAI AGAR TIDAK MEMBUAT SEBABUNG ANDAAN DAN SPEKULASI SENDIRI TANPA MERUJUK KEPADA PIHAK BERWAJIB.


**(DATO' AZISMAN BIN ALIAS) DCP
PENGARAH
JABATAN SIASATAN DAN PENGUATKUASAAN TRAFIK
POLIS DIRAJA MALAYSIA**

TAMAT
(Dikeluarkan pada 22 Mac 2021 jam 8.30 malam)

1

2

23/03/2021

: AJK PERWATAM iaitu Puan Laiyyinah dan Puan Norhayati telah pergi ke ibu pejabat Persatuan Pengguna Islam Malaysia (PPIM) yang terletak di Kampung Keramat, Kuala Lumpur untuk meminta pendapat berkenaan isu kes saman LKM lain iaitu SAMAN LKM TAMAT TEMPOH yang berlaku di Kota Bharu, Kelantan semasa tempoh pengecualian LKM diberikan.

: Namun pihak AJK PERWATAM dimaklumkan bahawa di situ hanya menguruskan masalah pinjaman Ah Long dan staf bertugas memberi alamat serta nombor telefon Pusat Aktiviti PPIM di Villa Puteri Condominium, Kuala Lumpur yang boleh membantu pihak PERWATAM.



OPPO Reno2 · ©@kakyati TAKAFUL

Tuan Fadzil dan Tuan Badrol sedang menjelaskan isu saman LKM kepada seorang aktivis PPIM.



Tuan Khidir sedang melakukan carian info dari akhbar tempatan berkaitan isu saman LKM



OPPO Reno2 · ©@kakyati_TAKAFUL

Puan Norhayati sedang mengarang ayat aduan agar situasi semasa dapat dilaporkan sebaik mungkin dan boleh difahami oleh pihak PPIM.



Tuan Fadzil sedang menandatangani borang aduan yang telah lengkap.

24/03/2021

- : AJK PERWATAM iaitu Tuan Fadzil, Tuan Badrol, Tuan Khidir dan Puan Norhayati telah pergi ke Pusat Aktiviti PPIM dan beberapa aktivis PPIM telah menyambut kedatangan pihak PERWATAM dengan baik.
- : Kedua-dua pihak mengadakan sedikit perbincangan dan perkongsian isu semasa termasuk isu berkaitan saman yang melibatkan LKM. Pihak PERWATAM telah membuat aduan secara formal sebagai langkah awal ke atas isu SAMAN LKM TAMAT TEMPOH yang terjadi di Kota Bharu, Kelantan dan ada lagi langkah susulan jika kes ini hendak diketengahkan.
- : Pihak PERWATAM tidak dapat berjumpa dengan Ketua Aktivis PPIM iaitu Toqqi kerana beliau sedang bersiaran dalam program wawancara petangnya.

26/03/2021

: Pegawai penyiasat dari IPD KLIA2 telah meminta pihak PERWATAM untuk hadir memberikan keterangan bagi membantu siasatan ke atas kes viral SAMAN AIMAN di bawah Seksyen 504 Kanun Keseksaan iaitu dengan niat hendak membangkitkan pecah keamanan. Kenyataan media PERWATAM dalam para kedua dikatakan ada unsur fitnah kepada anggota bertugas dan kenyataan itu hanya diperolehi secara verbal dari pihak kena saman. Pihak PERWATAM setuju hadir dan memberi kerjasama yang baik dalam usaha menjernihkan kembali salah faham yang wujud dan semua pihak berharap agar kes ini dapat diselesaikan dengan cara yang baik.

: Pihak PERWATAM telah diwakili oleh

- 1) Tuan Hishamuddin (Pengerusi PERWATAM)
- 2) Puan Laiyyinah (Setiausaha PERWATAM)
- 3) Puan Norhayati (Timbalan Setiausaha PERWATAM)



Puan Laiyyinah antara wakil daripada pihak PERWATAM yang hadir memberi kerjasama kepada pihak polis.

Banyak maklumat dan nasihat berguna yang diberikan oleh pegawai penyiasat kepada pihak PERWATAM dalam menandangani sesuatu aduan dan situasi yang melibatkan pihak pelanggan masing-masing. Antaranya:

- 1) Semua aduan perlu dibuat secara bertulis dan formal.
- 2) Semua dokumen yang hendak viral perlu dapat kebenaran daripada pihak yang berkenaan.
- 3) Jangan mudah percaya cerita dari sebelah pihak sahaja.
- 4) Sikap budi bicara boleh makan diri jika salah masa dan salah orang yang ingin dibantu.
- 5) Saman GAGAL PAMER LKM berbeza dengan saman LKM TAMAT TEMPOH kerana di bawah seksyen berbeza.
- 6) LKM perlu sentiasa dibawa bersama kenderaan walaupun LKM tersebut telah tamat tempoh dengan tujuan agar pihak berkuasa mudah kesan sebarang aktiviti jenayah yang mungkin wujud

07 PENUBUHAN JAWATANKUASA “PERWAKILAN DAN PENGERUSI PERWATAM NEGERI”

Disediakan Oleh: Khidir Bin Zulkifli (Ketua Biro Perhubungan dan Komunikasi Strategik)

1. Mesyuarat kali pertama penubuhan Perwakilan dan Pengerusi PERWATAM Negeri bagi tahun 2021/2022 telah diadakan pada 23 May 2021 melalui mesyuarat secara maya “webinar meeting” anjuran Ketua Biro Perhubungan dan Komunikasi Strategik.

2. Mesyuarat ini adalah selaras dengan hasrat Ahli Jawatankuasa Tertinggi PERWATAM bagi melaksanakan misi perlembagaan persatuan dalam usaha meluaskan atau menambahkan penyertaan ahli. Hasil mesyuarat tersebut adalah seperti berikut:

2.1 Pengerusi PERWATAM Negeri (PPN) dibentuk dengan kerjasama Ketua Biro Perhubungan dan Komunikasi Strategik PERWATAM yang akan bertindak bagi menubuhkan AJK PERWATAM NEGERI (AJKPN). Semua ahli akan diasangkan mengikut pendaftaran di Negeri masing-masing dan akan diketuai oleh PPN.

2.2 PPN akan bertanggungjawab dalam menguruskan organisasi bagi setiap negeri dan urusan penambahan ahli. Ahli boleh merujuk PPN bagi setiap permasalahan/ usul yang timbul dan PPN akan menjalankan tugas mereka untuk disampaikan ke peringkat AJK TERTINGGI PERWATAM.

2.3 PPN akan mewujudkan satu "group whatsapp" bagi setiap negeri untuk memudahkan urusan organisasi PERWATAM Negeri dan setiap ahli dapat memberikan kerjasama dalam usaha PPN untuk mengumpulkan ahli dan diletakkan di bawah seliaan PPN.


3. Senarai Pengerusi PERWATAM Negeri (sementara) yang dilantik adalah seperti gambar berikut:

SENARAI PENGERUSI PERWATAM NEGERI 2021-2022



1) Selangor, Kuala Lumpur & Putrajaya	=	En. Badrul Hisham Bin Hassin
2) Johor	=	En. Sallehuddin Bin Mohd Dahiran
3) Perak	=	En. Meer Nasharuddin Bin Mohd Yusof
4) Kedah	=	En. Mustaffa Bin Md Saad
5) Kelantan	=	En. Zakaria Bin Mohammad
6) Pahang	=	En. W.Mohd Yusni Bin W.Mustapha
7) Melaka	=	En. Mohd Elam Bin Mohamed
8) Sabah	=	En. PG Putra PG omar
9) Negeri Sembilan	=	Tiada
10) Terengganu	=	Tiada
11) Sarawak	=	Tiada
12) Pulau Pinang	=	Tiada
13) Perlis	=	Tiada

4. Carta organisasi penyelarasan bidang kuasa penubuhan Perwakilan dan Pengerusi PERWATAM Negeri:



5. Gambar suasana sesi mesyuarat yang sedang berlangsung secara maya “Webinar Meeting”:

The screenshot shows a Google Meet session. On the left, a presentation slide titled "AGENDA" lists six items in Indonesian. The slide features a red and white geometric logo at the top right. At the top of the screen, it says "Khidir Zulkifli is presenting" and "Hafis Aliaziz and 5 more". The main area displays a grid of participant video feeds. The participants include Mustafa Md Said, Choden Channel, Kapten Yadi, Fadzl Fairuz, KZ GOLDEN RES., wan mohd yusni, syameem ahmad, MUHD Nizam M., and Fritz Syazwan.

AGENDA

- 1) Ucapan alu-aluan pengerusi PERWATAM
- 2) Memperkenalkan AJK PERWATAM kepada Perwakilan PERWATAM Negeri
- 3) Sesi pengenalan ringkas Pengerusi Negeri
- 4) Pembentangan hala tuju PERWAKILAN & PENGERUSI PERWATAM NEGERI
- 5) Iain-lain hal
- 6) Penutup bacaan doa

08 SIRI WEBINAR

Disediakan oleh: Muhammad Syameem Bin Ahmad (Bendahari)

Pada PKP 3.0, AJK PERWATAM telah membuat inisiatif untuk mengadakan dua 'sharing session' berkenaan dengan 'Motor Claims' pada 7 Jun 2021 dan 'Importance of Human Resource for Takaful Agency' pada 14 Jun 2011.

Sesi perkongsian 'Motor Claims' ini telah disampaikan oleh speaker Tuan Haji Samidi yang merupakan ahli PERWATAM yang juga merupakan bekas staf Etika di bahagian tuntutan. Manakala satu lagi perkongsian disampaikan oleh speaker Puan Mastura, pakar dalam bidang sumber manusia.

Alhamdulillah, kedua-dua sesi perkongsian ini mendapat sambutan yang menggalakkan dari ahli-ahli dengan kehadiran penuh seramai 100 orang. InshaAllah pihak AJK akan terus menerus mengadakan sesi perkongsian berkaitan dengan agensi takaful supaya menjadi nilai tambah kepada ahli-ahli di dalam persatuan.

SHARING SESSION EXCLUSIVE FOR PERWATAM MEMBERS

Topic:

*Basic things & procedure
about motor claims
(Must know).*



SPEAKER:

Haji Samidi
(Ex Claims Etiqa & PERWATAM Members)

Date: Monday | 7/6/21
Place: Google Meet
Time: 10 - 11.30am

SHARING SESSION EXCLUSIVE FOR PERWATAM MEMBERS

Topic:

*"IMPORTANCE OF PERSONAL
FILE HR FOR TAKAFUL AGENCY"*



Perwata'm
PERGATANKAN WAKIL TAKAFUL AN MUSLIM

SPEAKER:

PUAN MASTURA KHAIRI
(13 YEARS EXPERIENCED IN HR)

Bachelor of Dev. Management (UUM)
Cert. Coaching, Recruitment & Personal Dev. (GIA)
Cert. Employment & Reg. Training (MEF Aca.)
Cert. Behavioral Based Interviewing Skills (MEF Aca.)

Date: Monday | 14/6/21
Place: Via Zoom
Time: 10am - 1.00pm

09 PENCARIAN DANA

Disediakan oleh: Muhammad Syameem Bin Ahmad (Bendahari)

Untuk makluman semua ahli, kami di pihak AJK telah membuat beberapa inisiatif untuk menaikkan dana PERWATAM dengan membuka tempahan baju korporat, kalender PERWATAM, sampul duit raya PERWATAM, stiker roadtax dan juga stiker doa kepada ahli-ahli PERWATAM. Selain tujuan untuk menaikkan dana, tujuan lain inisiatif ini diwujudkan adalah untuk menaikkan jenama PERWATAM di kalangan pelanggan-pelanggan ahli bilamana mereka melihat jenama PERWATAM.

Sehubungan dengan itu, inisiatif ini masih diteruskan dari masa ke semasa dan akan ditambah pada masa akan datang. Kami di pihak AJK sangat memerlukan sokongan setiap ahli untuk menyokong dengan cara membuat pembelian agar jenama PERWATAM akan terus berkembang .



Non Printable Area

Perwataam
PERSATUAN WAKIL TAKAFUL AM MUSLIM

IKHLAS **etiqqa** **ZURICH** **Takaful** **Takaful**

1800 88 1186 1800 88 6491 1300 88 6222 1800 88 8788

Doa Menaiki Kendaraan

سُبْحَانَ اللَّهِيْ سَلَّمَ لَنَا هَذَا وَمَا كَانَ لَهُ مُغْرِبٌ
وَإِنَّا إِلَيْ رَبِّنَا الْمُنْتَهِيْ


Ertinya : "Maha suci Allah yang telah menundukkan untuk kami (kenderaan) ini, padahal sebelumnya kami tidak mampu untuk menguasainya dan hanya kepadaMu lah kami akan kembali"

Expiry Date:

Contact Number:

www.perwataam.my

Stiker 1 : Stiker Road Tax 2 Muka Bercetak
Ukuran : 145mm L x 127mm T



HADAPAN



BELAKANG

Stiker 2 : Stiker Doa
Ukuran : 110mm L x 90mm T



MENGADAP PEMANDU

Dibuka
untuk
TEMPAHAN



Disediakan oleh: Kapten (B) Mohd Yusri Bin Mohd Noor (Ketua Biro Korporat)

Perwatam Johor telah mengadakan perjumpaan pada 1 April 2021, jam 9.30 pagi bertempat di pejabat Takaful Ikhlas cawangan Johor Bahru.

Perjumpaan telah diketuai oleh Pengurusı Perwatam Johor, Ust Sallehudin.

Semoga AJK dan ahli-ahli di negeri lain dapat juga buat perjumpaan seperti ini.

Selain dapat eratkan lagi silaturahim sesama ahli, insyaallah dapat berbincang secara baik isu-isu berbangkit sekiranya ada. TAHNIAH PERWATAM JOHOR



11 RENUNGAN SEJENAK

Buya Hamka

- Iman tanpa ilmu bagaikan lentera di tangan bayi. Namun ilmu tanpa iman, bagaikan lentera di tangan pencuri.
- Membaca buku-buku yang baik berarti memberi makanan rohani yang baik.
- Tegakkan cita-cita lebih dahulu sebelum berusaha.
- Orang berakal hidup untuk masyarakatnya, bukan buat dirinya sendiri.

Perumpamaan orang yang menginfakkan hartanya di jalan Allah seperti sebutir biji yang menumbuhkan tujuh tangkai, pada setiap tangkai ada seratus biji. Allah melipatgandakan bagi siapa yang Dia kehendaki, dan Allah Mahalugas, Maha Mengetahui - al Baqarah (261).

“Apabila salah seorang manusia meninggal dunia, maka terputuslah segala amalannya kecuali tiga perkara; sedekah jariyah, ilmu yang bermanfaat baginya dan anak solleh yang selalu mendoakannya.” (HR Muslim No: 3084)

"Gantungkan cita-cita mu setinggi langit. Bermimpilah setinggi langit. Jika engkau jatuh, engkau akan jatuh di antara bintang-bintang" - Soekarno

"Mahkota seseorang adalah akalnya. Darjat seseorang adalah agamanya. Sedangkan kehormatan seseorang adalah budi pekertinya" Umar al Khattab.

“Wahai orang-orang yang beriman, jadikanlah sabar dan Solat sebagai penolongmu. Sesungguhnya Allah beserta orang-orang yang sabar” Al Baqarah- 153.

12 SEKILAS FAKTA

The overall financial performance of the Takaful industry for the year 2020 has been encouraging. The General Takaful business has registered Gross Written Contributions of RM 3.46 billion, an increase of 4.4% over the same period in 2019. Motor Takaful remains at the top position in terms of portfolio mix at 66.1% [2019: 64.8%]. In terms of distribution channels, both the Agency and Direct Business Channels were the main contributors with 59.4% and 31.7%, respectively. It is also worth mentioning the growth of the Internet channel which has been encouraging. This channel has grown by 22.1% from RM174.5 million in 2019 to RM213.1 million gross written contribution in 2020, 96.1% of which is motor takaful.

Berdasarkan laporan : MTA Annual Report 2020



Single Digit Growth
Total Business Gross Contributions
RM3.46b
2019: RM3.31b

Single Digit Growth
Motor Takaful Gross Contributions
RM2.29b
2019: RM2.15b


Single Digit Growth
Fire Takaful Gross Contributions
RM0.62b
2019: RM0.60b

Negative Growth
Other Classes Gross Contributions
RM0.55b
2019: RM0.57b

Registered Individual General Takaful Agents by Gender



Registered Individual General Takaful Agents by Races



GENERAL INSURANCE INDUSTRY PERFORMANCE

The General Insurance Industry registered a decline of -1% in 2020 with total gross direct premiums amounted to RM 17.24 billion.

Motor remained the largest class with a market share of 48.7% followed by Fire at 19.8% and Marine Aviation & Transit (MAT) at 7.7%, Motor Insurance recorded gross direct premiums of RM 8.4 billion with a drop of -0.21%.

GROSS DIRECT PREMIUMS BY BUSINESS




Figure 2: Gross Direct Premiums

Fire insurance grew 1.6% and maintained its position as the second largest class with gross direct premiums of RM 3.42 billion. MAT insurance declined by -1.5% with gross direct premiums of RM 1.33 billion owing to the shrinkage in both the Offshore Oil Related sector and the Cargo sector.

The Miscellaneous Class grew by 1.3% with gross direct premiums at RM 2.11 billion. Medical and Health Insurance (MHI) declined -1.7% to RM 1 billion while Personal Accident (PA) insurance dipped 16.6% to RM 0.99 billion.

- Keseluruhan Premium terkumpul bagi Takaful Am : RM3.46 billion
- 59.4% adalah sumbangan dari Agen.
- Sumbangan keseluruhan bagi Agensi dan Chanel terus prinsipal (Direct Business Channel) ialah 59.4% dan 31.7%.
- 6.15% atau bersamaan nilai RM213.1 (RM0.213 billion) adalah dari Internet Chanel.
- Agen Melayu : 7,340 orang.
- Ahli berdaftar PERWATAM ialah 270 orang iaitu bersamaan 3.67% dari keseluruhan agen Melayu yang berdaftar di Malaysia.
- Premium Insurans Am terkumpul pada 2020 ialah RM17.24 billion.

sumber : laporan PIAM 2020.

KUNJUNGAN HORMAT (SYARIKAT TAKAFUL MALAYSIA GENERAL BERHAD

KUNJUNGAN HORMAT PERWATAM KE ATAS KETUA PEGAWAI EKSEKUTIF SYARIKAT TAKAFUL MALAYSIA AM BERHAD (STMAB).

Kunjungan ini dilaksanakan pada 10 November 2021 jam 12.30 Tengahari bertempat di Hotel Majestic, Kuala Lumpur.

Turut hadir wakil dari (STMAB) ialah:

- 1) En Mohamed Sabri bin Ramli - Ketua Pegawai Eksekutif.**
- 2) En Hazruddin Hassan – Chief Marketing Officer.**
- 3) En Irewan Abdul Razak – Head Corporate Agency.**

Seramai 7 orang AJK Perwatam telah hadir dengan diketuai oleh Pengurus PERWATAM iaitu En Hisammuddin bin Abd Aziz. Terima kasih diucapkan kepada Ketua Pegawai Eksekutif STMAB di atas perjumpaan ini.



Kunjungan Hormat Ahli Jawatankuasa Perwatam ke atas Ketua Pegawai Eksekutif Syarikat Takaful Malaysia General Berhad, En Mohamed Sabri bin Ramli pada 10 Nov 2021 di Hotel Majestic, Kuala Lumpur.

MESYUARAT AGUNG TAHUNAN PERWATAM KALI KEDUA TAHUN 2021

18 Disember 2021 - Satu Mesyuarat Agung Tahunan (AGM) Persatuan Wakil Takaful Am Muslim telah berlangsung dengan jayanya pada 18 Disember 2021 (Sabtu) bertempat di Dewan Utama Pusat Kreatif Kanak-kanak Tunku Bainun, Taman Tun Dr Ismail, Kuala Lumpur. Mesyuarat ini telah dihadiri oleh 35 orang ahli.

Majlis dimulakan dengan sesi pendaftaran dan sarapan pagi oleh semua ahli yang hadir. Dan Majlis sebenar bermula pada jam 9 pagi. Acara dimulakan dengan bacaan Doa oleh Ustaz Sallehuddin Bin Mohd Dahiran.

Seterusnya Majlis dimulakan dengan perasmian oleh Deputy Chairman MTA, En Mohamed Sabri bin Ramli. Sedikit ucapan diberikan sempena perasmian.

Seterusnya Setiausaha membentangkan minit Mesyuarat Agung Tahunan kali Pertama diikuti dengan pembentangan laporan kewangan oleh bendahari, En Syamem. Selepas minit mesyuarat lalu disahkan, majlis diteruskan dengan pembentangan usul oleh Tuan Pengurus PERWATAM, En Hishammuddin Bin Abd Aziz.

Mesyuarat ditangguhkan pada jam 2ptg dan ditutup dengan bacaan doa oleh Ustaz Sallehuddin. Tahniah diucapkan kepada semua Ahli yang hadir pada Mesyuarat Agung Tahunan Kali Ke 2 ini.



**TERIMA
KASIH**